

Evening Dogri (NSD) Bulletin

16-12-2025

आकाशवाणी

खबरां जगमोहन शर्मा कोला

- प्रधानमंत्री नरेंद्र मोदी होर जार्डन दा दौरा मुकम्मल करियै इथोपिया पुज्जी गेन, जार्डन च उनें उत्थूं दे बादशाह शाह अबदुल्ला द्वितीय हुंदे कन्नै भारत-जार्डन बपार फोरम गी सांझे तौरा पर संबोधित कीता, आपसी हितें दे कई समझौतें पर दस्तखत।
- राष्ट्रपति द्रौपदी मुर्मू होरें अज्ज विजय दिवस दे मौके पर नमीं दिल्ली च परमवीर दीर्घा दा उद्घाटन कीता।
- राज्यसभा च चुनांऽ सुधारें पर चर्चा अज्ज सम्पन्न होई गई, बक्ख-बक्ख दलें इस दरान अपने विचार रक्खे।
- पच्छिम बंगाल च मतदाता सूचिएं दी नमें सिरेआ नजरसानी दे बाद मतदाता सूचि दा मसौदा प्रकाशित करी दित्ता गेआ।
- उत्तर प्रदेश दे मथुरा च यमुना एक्सप्रेस-वे पर कई गड्डियें दी टक्कर च 13 जनें दी मौत, 70 कोला मते जखमीं।
- भारत ते संयुक्त अरब अमीरात नै भारत मध्य यूरोप आर्थिक गलियारे गी लेइयै अपनी बचनबद्धता फही पक्की कीती।

<><><><><><>

PM-Jordan

प्रधानमंत्री नरेंद्र मोदी होर जार्डन दा अपना दौरा मुकम्मल करियै इथोपिया पुज्जी गे न। आदीस अबाबा ब्हाई अड्डे पर मोदी हुंदा शानदार सोआगत कीता गेआ। इथोपिया दे प्रधानमंत्री अबीय अहमद अली होरें आपूं उत्थै पुज्जने पर मोदी हुंदी अगुवानी कीती। एह्दे शा पैहले जार्डन च

प्रधानमंत्री मोदी होरें जार्डन दे शाह अब्दुल्ला द्वितीय इन्न अल हुसैन हुंदे कन्नै व्यापक गल्लबात कीती ते दौनें मुखें दे उद्योग प्रमुखें दे बपार मंच गी संबोधत कीता। इस बरे दौनें मुखें दे राजनयिक सरबंघें गी 75 बरे पूरे होआ'रदे न। प्रधानमंत्री हुंदी जार्डन जाततरा दौरान कई समझौतें गी मुकदा रूप दित्ता गेआ ते आर्थिक सहयोग बधाने दे उपाएं पर बचार-विमर्श होआ। प्रधानमंत्री मोदी ते शाह अब्दुल्ला होरें अज्ज अम्मान च भारत-जार्डन बपार मंच गी सांझे तौरा पर संबोधित कीता। इस मौके पर जार्डन दे युवराज हुसैन ते बपार, उद्योग ते निवेश मंत्री बी मौजूद हे। इस दरान प्रधानमंत्री मोदी होरें भारत गी जार्डन दा त्रीया सभनें शा बह्द बपार सांझेदार दस्सदे होइ, अगले 5एं बरें च ओहदेक त्रै दपक्खिया बपार दूना करियै 5 अरब डॉलर करने दा प्रस्ताव कीता। एहदे अलावा प्रधानमंत्री होरें जार्डन दी कंपनियें गी भारत कन्नै सांझेदारी ते एहदे 1 अरब 40 करोड़ दे उपभोक्ता बजार दा लाहू ठोआने लेई साद्दा दित्ता। प्रधानमंत्री मोदी होरें डिजिटल बुनियादी ढांचे, सूचना प्रौद्योगिकी, माली प्रौद्योगिकी, स्वास्थ्य ते कृषि खेत्तर च बपार सांझेदारी दे मौकें दा बी जिक्र कीता। इन्ना गै नेई प्रधानमंत्री होरें आतंकवाद ते उग्रवाद खलाफ जार्डन दे पक्के धेइयै दी सराहना बी कीती। शाह अब्दुल्ला होरें आतंकवाद खलाफ भारत दे संघर्ष प्रति पूरा-पूरा समर्थन व्यक्त कीता ते हर रूप च आतंकवाद दी निंदा कीती।

<><><><><><>

President

राष्ट्रपति द्रौपदी मुर्मू होरें नमीं दिल्ली च विजय दिवस दे मौके परमवीर दीर्घा दा उद्घाटन कीता। इस दीर्घा च परमवीर चक्र कन्नै सम्मानित सारे 21 जेत्तुएं दे चित्र दस्से गेदे न। एहदा उद्देश्य आने आहलें गी राष्ट्री नायकें बारै दस्सना ऐ जिनें राष्ट्र दी रक्षा च पक्के संकल्प ते बेजोड़ साहस दा प्रदर्शन कीता। एहू उनें वीर योद्धाएं दी याद गी सम्मानित करने दी इक पहल ऐ जिनें मातृभूमि दी सेवा च अपने प्राण न्यौछावर कीते। इस मौके पर रक्षामंत्री राजनाथ सिंह, प्रमुख रक्षा अध्यक्ष जनरल अनिल चौहान, सेना प्रमुख उपेंद्र द्विवेदी, वायुसेना प्रमुख एयर चीफ मार्शल अमरप्रीत सिंह, नौसेना प्रमुख एडमिरल दिनेश.के त्रिपाठी ते दुए मन्ने-परमन्ने दे लोक मौजूद हे। परमवीर चक्र भारत दा सर्वोच्च सैन्य

सम्मान ऐ जेडा युद्ध दे दौरान बेमिसाल बहादुरी, साहस ते आत्मबलिदान आस्तै दित्ता जंदा ऐ। जिनें गलियारें च हुन परमवीर दीर्घा बनाई गेई ऐ, उत्थे पैहले ब्रिटिश सहायक अधिकारिएं दी तस्वीरां लगी दियां हियां। भारती राश्ट्री नायकें दे चित्र प्रदर्शित करने दी एहू पैहल औपनिवेशिक मानसिकता गी छोड़ने ते भारत दी समृद्ध संस्कृति, विरासत ते परम्पराएं गी गर्व कन्नै अपनाने दी बकखी इक सार्थ गैंऽ ऐ।

<><><><><><>

RS-Vijay Diwas

राज्यसभा नै अजज 54में विजय दिवस दे मौके पर राश्ट्र दी सेवा च सर्वोच्च बलिदान देने आहले वीर शहीदें गी श्रद्धांजलि भेंट कीती। एहू ध्याड़ा 1971 दी लड़ाई च भारत दी पाकिस्तान पर जितत दा प्रतीक ऐ। सदन दी कार्रवाई शुरू होने पर राज्यसभा दे चेयरमैन सी.पी राधाकृष्णन होरें शहीदें गी नमन कीता।

<><><><><><>

R.S Election Reform

राज्यसभा च चुनांऽ सुधारें पर चर्चा अजज सम्पन्न होई गेई। एह्दे शा पेहले चर्चा च हिस्सा लैदे होई राश्ट्रवादी कांग्रेस पार्टी दे प्रफुलल पटेल होरें आखेआ कि इलेक्ट्रानिक वोटिंग मशीन दा इस्तेमाल चुनाएं च पैहले बी होआ ऐ ते ऐसा कोई सबूत नेई ऐ जे मशीनें कन्नै कुसै चाल्ली दी छेड़छाड़ मुमकन ऐ। उनें आखेआ कि चुनां आयोग नै ई.वी.एम कन्नै कुसै गड़बड़ी गी साबत करने लेई खुल्ली चुनौती दित्ती ही पर कोई अगगे नेई आया। पटेल होरें आखेआ जे वोट पाने दा अधिकार जनता, देश ते लोकतंत्र दी ताकत ऐ। तृणमूल कांग्रेस दे डेरिक ओ ब्रायन होरें आखेआ कि गृह मंत्री अमित शाह होरें आखेआ हा कि मतदाता सूचिएं च तरमीम दा मकसद अवैध, मरी चुके दे गैर तसदीकशुदा मतदाताएं दा नां हटाना ऐ पर असल च एस.आई.आर दा अस्सल मकसद बंडना, ध्यान बटाना ते हराना ऐ। सदन दे नेता जे.पी नड्डा होरें आखेआ जे मतदाता सूचिएं दी नमें सिरेआ नजरसानी चुनां आयोग दे

संवैधानिक अधिकारें दे दायरे च औंदी ऐ ते आयोग दी एह जिम्मेवारी बनदी ऐ जे समें-समें पर मतदाता सूचिएं गी दुरुस्त करै ते जित्थै कुदरै बी कोई गड़बड़ी ऐ उसी सुधारेआ जा।

<><><><><><>

Ajeevika Mission Bill

विकसित भारत रोजगार ते आजीविका मिशन (ग्रामीण) गारंटी बिल 2025 अज्ज लोकसभा च पेश कीता गेआ। एह बिल 20 बरें पुराने महात्मा गांधी राश्ट्री ग्रामीण रोजगार गारंटी कनून-2025 (मनरेगा) दी थाह लैग। केंद्री राई-बाई मंत्री शिवराज सिंह चौहान होरें एह बिल पेश कीता तां जे आधुनिक संवैधानिक ढांचा, जेडा विकसित भारत-2027 दे धेइए कन्नै जुड़े दा ऐ, गी स्थापित कीता जाई सकै ते ग्राएं थाहें हर घर दे सदस्य गी 125 दिनें दा रोजगार गारंटी थोए जेड़े के अकुशल मेहनत, मशकत आह्ला कम्म करना चाहंदे होन। चौहान होरें आखेआ जे प्रधानमंत्री नरेंद्र मोदी हुं'दी अगुवाई च गरीबें दे कल्याण आस्तै बथेरियां विकास ते कल्याण योजनां चलाई जा'रदियां न। उनें आखेआ जे यू.पी.ए सरकार कार्यकाल दुरान 2 लख 13 जहार करोड़ रपे दी रकम महात्मा गांधी राश्ट्री ग्रामीण रोजगार गारंटी कनून पर खर्च कीती गई ही जदके मोदी सरकार नै 8 लख 53 जहार करोड़ रपे इस्सै स्कीम पर खर्च कीते न ते इसी मजबूती देने आस्तै लगातार कोशिशों कीतियां गेइयां न। नमें बिल दा मकसद मजदूरें मजदूरें गी गारंटी सने मते दिनें लेई रोजगार उपलब्ध कराना ऐ जेदे लेई बेहतर, मेहनताना, मजबूत सुरक्षा दित्ती जा। बिल गी पेश करने दुरान विपक्षी दलें दे सदस्यें बिल दा बरोध कीता। इन्दे च कांग्रेस, डीएमके ते टीएमसी शामिल हियां। शोर-शराबे करी स्पीकर होरें सदन गी 2 बजे तोड़ी स्थगित करी दित्ता।

<><><><><><>

SIR

पच्छिम बंगाल च मतदाता सूचिएं दी नमें सिरेआ नजरसानी आहली एस.आई.आर प्रक्रिया दे बाद मतदाता सूचि दा मसौदा अज्ज प्रकाशित करी दित्ता गेआ। एसआईआर दे पैहले गेड च पच्छिम बंगाल च 7 करोड़ 66 लख 37 ज्हार 529 मतदाताएं गी शामिल कीता गेआ ऐ। जिंदे चा 7 करोड़ 8 लख 16 ज्हार 616 मतदाताएं दे जनगणना फार्में दा डिजिटलीकरण कीता जाई चुके दा ऐ। एस.आई.आर प्रक्रिया च 58 लख कोला मते गैर हाजर, दुई थाहर उठी गेदे, मरी चुके दे या डुप्लीकेट यानि जिंदा नां दो-दो बारी दर्ज होए दा हा, उन्दे नां हटाई दित्ते गे न। 2002 बरे आहली वोटर लिस्ट दे 31 लख 38 ज्हार 374 मतदाताएं गी इस प्रक्रिया च शामिल नेई कीता गेआ ते इनेंगी अज्ज कोला लेइयै 7 फरवरी 2026 तगर चलने आहली प्रक्रिया तैहत सुनवाई लेई सद्देआ जाहग। लोकें गी आखेआ गेआ ऐ कि जिंदे नां इस मसौदे च नेई हैन, ओह फार्म-6 भरियै अपने सरबन्धित बी.एल.ओ कश जमा कराई सकदे न।

<><><><><><>

Prez. Visit

राश्ट्रपति द्रौपदी मुर्मू होर अज्जै थमां कर्नाटक, तमिलनाडू ते तेलंगाना दे 7 दिनें दे दौरे पर न। उनें अज्ज कर्नाटक दे मालवल्ली च आदि जगदगुरू श्री शिवरात्रिश्वर शिवयोगी महास्वामी जी हुंदी 1066मीं जयंती समारोह दा उद्घाटन कीता। कल राश्ट्रपति होर तमिलनाडू दे वेल्लोर स्थित स्वर्ण मंदर च पूजा अर्चना करडन।

<><><><><><>

Accident

उत्तर प्रदेश दे मथुरा च यमुना एक्सप्रेस-वे पर मंगलवार सबेरे साढ़े 4 बजे घने कोहरे करी 8 बसें ते 2 कारां दी जोरदार टक्कर होई गई जेदे च 13 लोकें दी मौत होई ऐ। एहदी पुष्टि जिला प्रशासन नै कीती। पहले दस्सेआ गेआ हा जे हादसे च 5 लोकें दी जान गई ऐ। टक्कर मगरा बसें सने सारी गड्डिएं च अग्न लग्गी गई जिस करी लोक अंदर फसी गए हे। किश लोक छाल मारिए जान बचाने च सफल रेया।

हादसे च अजें तोड़ी जखिमयें दी गिनतरी 70 दस्सी जा'रदी ऐ। जिनेंगी ईलाज आस्तै अस्पताल च दाखल करोआया गेआ ऐ। इक पुलस अधिकारी नै दस्सेआ जे हादसा मंगलवारें बडुलै साड्डे 4 बजे होआ। घने कोहरे च घटोघट्ट 8 बसां ते 3 निक्की गड्डियां आपस च टकराई गेइयां। एहू घटना बलदेव पुलस सूअेशन दे इलाके च होई। प्रधानमंत्री कार्यालय नै पी.एम मोदी हुंदे हवाले कन्नै एक्स पर लिखेआ जे उत्तर प्रदेश दे मथुरा च यमुना एक्सप्रेस-वे पर होए दे हादसे च लोकें दी जान जाने दा दुख ऐ। मेरी संवेदना उनें लोकें कन्नै ऐ जिनें अपने घरे आहलें गी मुहाया ऐ।

<><><><><><>

India-UEA

भारत ते संयुक्त अरब अमिरात यू.ए.ई नै भारत मध्य यूरोप आर्थिक गलियारे गी लेइयै अपनी बचनबद्धता गी पक्का करदे होई ग्लोबल साउथ लेई कम्म करने दा धेइया पक्का कीता ऐं एहू बयान विदेश मंत्री डॉ. एस जयशंकर ते संयुक्त अरब अमीरात दे विदेश मंत्री शेख अब्दुल्ला बिन जायद अल नाहयान हुंदी मलाटी दरान दित्ता गेआ ऐ। दौनें नेताएं अबु धाबी च 16मीं भारत यूएई आयोग दी बैठक ते भारत यूएई रणनीतिक वार्ता दे 5में गेइ दी सांझे तौरा पर अध्यक्षता कीती। विदेश मंत्रालय दे इक बयान च आखेआ गेआ ऐ कि इनें बैठकें दपक्खी सरबंघें दे पूरे दायरे दी व्यापक समीक्षा करने दा मौका प्रदान कीता ऐ। इन्दे च बपार, रासपूंजी लाने, उर्जा, संचार संपर्क, रक्षा, सुरक्षा, विकास कम्में च सांझ भ्याली, सेहत, संस्कृति, शिक्षा, प्रौद्योगिकी ते लोकें-लोकें बश्कार संपर्क जनेए मुद्दे शामिल हे। मंत्रालय नै आखेआ ऐ कि दौनें नेताएं पच्छिम एशिया दी स्थिति समेत सांझे हितें ते क्षेत्रीय ते कुल संसारी मुद्दें पर बी तफसीली सोच विचार कीता ऐ ते चेचे तौरा पर क्षेत्रीय स्थिरता रमानदारी ते समृद्धि दी रक्षा ते उसी बढ़ावा देने च सांझे हितें दी बी तस्दीक कीती।

<><><><><><>

LG Vijay Diwas

1971 ਦੀ ਲੜਾਈ ਚ ਭਾਰਤ ਦੀ ਪਾਕਿਸਤਾਨ ਪਰ ਜਿੱਤ ਦੇ ਚੈੱਤੇ ਚ ਮਨਾਏ ਜਾਨੇ ਆਹਲੇ ਵਿਜਯ ਦਿਵਸ ਦੇ ਮੌਕੇ
ਪਰ ਅੱਜ ਉਪਰਾਜਯਪਾਲ ਮਨੋਜ ਸਿਨ੍ਹਾ ਹੋਰੇਂ ਅਖਨੂਰ ਕਸ਼ ਚਿਰਿਆਲ ਚ 108 ਫੁਟ ਉੱਚਾ ਰਾਸ਼ਟ੍ਰੀ ਝੰਡਾ
ਲਹਰਾਯਾ। ਅਪਨੇ ਸੰਬੋਧਨ ਚ ਐਲ.ਜੀ ਸਿਨ੍ਹਾ ਹੋਰੇਂ ਆਖੇਆ ਜੇ ਸ਼੍ਰਾਡਾ ਤਿਰੰਗਾ ਝੰਡਾ ਇਸੈ ਚਾਲ਼ੀ ਮ੍ਹੇਸ਼ਾਂ
ਦੁਨਿਆ ਚ ਹੋਰ ਉੱਚਾ ਲਹਰਾਂਦਾ ਰਵੇ। ਇਸ ਦਰਾਨ ਉਨੇਂ 1971 ਦੇ ਯੁੱਧ ਦਰਾਨ ਅਪਨੀ ਦਲੇਰੀ ਤੇ ਬਲਿਦਾਨ ਕਰੇਂ
ਦੇਸੈਂ ਗੀ ਗੌਰਵਾਂਵਿਤ ਕਰਨੇ ਆਹਲੇ ਸ਼ਹੀਦੇਂ, ਜੋਆਨੇਂ ਤੇ ਅਫਸਰੇਂ ਗੀ ਭਾਵੇਂ-ਭਰੋਚੀ ਦੀ ਸ਼੍ਰਦਾਂਜਲਿ ਦਿੱਤੀ।
ਸਿਨ੍ਹਾ ਹੋਰੇਂ ਆਖੇਆ ਜੇ ਕਚਰਿਆਲ ਦੀ ਐਹੁ ਧਰਤੀ ਨਾਂਝ ਛਡਾ ਐਤਿਹਾਸਿਕ ਮਹੱਤਵ ਰਖਦੀ ਏ, ਸਗੁਆਂ ਐਹੁ
ਦੇਸ਼ਵਾਸਿਯੇਂ ਆਸ਼੍ਰਿਤ ਪਵਿਤ੍ਰ ਧਰਤੀ ਏ ਕੀਜੇ ਇਸ ਥਾਹਰੈ ਦਾ ਇੱਕ-ਇੱਕ ਇੰਚ ਉਨੇਂ ਬਹਾਦੁਰ ਜੋਆਨੇਂ ਗੀ ਚੇੱਤਾ
ਕਰਾ'ਰਦਾ ਏ ਜਿਨੇਂ 1965 ਤੇ 1971 ਦੀ ਲੜਾਇਯੇਂ ਦਰਾਨ ਦੇਸੈਂ ਦੀ ਏਕਤਾ ਤੇ ਅਖੰਡਤਾ ਦੀ ਰਾਖੀ ਲੇਏਂ ਅਪਨੀ
ਜਿੰਦੂ ਦਾ ਸਰਵੋੱਚ ਬਲਿਦਾਨ ਦੇਏਂ ਦਿੱਤਾ।

<><><><><><>